

ԱԳՐՈՒԹՅՈՒՆ

Լրատու

ՕԳՈՍՏՈՍ 25-ՍԵՊՏԵՄԲԵՐ 5 2015 Թ. ԹԻՎ 22 (2077)

ՏԱՍԵՐՅԱ ԹԵՐԹ ՀՐԱՏԱՐԱԿՎՈՒՄ Է 1951 Թ. ԳԻՆԸ՝ 120 ԳՐԱՍ

ԱՇԽԱՏԱՆՔԱՅԻՆ ԱՅՅ



Շահագործման է հանձնվել հանրապետության ամենախոշոր սպանդանոցը

ՀՀ գյուղատնտեսության նախարար Սերգո Կարապետյանն Արարատի մարզի Մասիս համայնքում մասնակցել է հայ-իրանական համատեղ «Ոսկե կացին» ընկերության կողմից հիմնադրված սպանդանոցի բացման արարողությանը: Միջոցառմանը ներկա էին ՀՀ-ում Իրանի Խլամական Հանրապետության արտակարգ և լիազոր դեսպան պարոն Մոհամմադ Ռեիսին, Արարատի մարզպետ Ռուբիկ Աբրահամյանը, այլ հյուրեր և պաշտոնատար անձինք:

Սպանդանոցը զբաղեցնում է 2400 մ² տարածք և ունի բոլոր անհրաժեշտ սառնարանային սարքավորումները՝ մսի պահպանությունը իրականացնելու համար: Այն մեկ հերթափոխում կարող է մորթի ենթարկել 1000 գլուխ մանր եղջերավոր և մինչև 200 գլուխ խոշոր եղջերավոր կենդանիներ:

Ողջունելով հյուրերին՝ նախարար Սերգո Կարապետյանն ընդգծել է սպանդանոցի կառուցման կարևորությունը՝ Հայաստանում անասնապահության ոլորտի զարգացման համար: «Շահագործման է հանձնվել հանրապետությունում ամենախոշոր սպանդանոցը. արդյունքում հնարավոր կդառնա մեծացնել դեպի հարևան երկիր՝ հատկապես ոչխարի մսի արտահանման ծավալները, ինչը կնպաստի մեր երկրում անասնապահության ոլորտի զարգացմանը», - նշել է նախարար Սերգո Կարապետյանը:

Նախարարը նաև հավելել է, որ սպանդանոցում մորթն իրականացվելու է մուսուլմանական «հալալ» կանոնների համաձայն, ինչը մեծապես կնպաստի դեպի մուսուլմանական երկրներ ոչխարի մսի արտահանման խնդրի լուծմանը: Նախարարն իր խոսքում կարևորել է նաև խելամիտ գլխի սահմանման անհրաժեշտությունը, որը երկուստեք շահավետ կլինի:

Է 2

Գյուղատնտեսական նշանակության նոր տարածքներ

ՀՀ գյուղատնտեսության նախարար Սերգո Կարապետյանն աշխատանքային այցով մեկնել է Կոտայքի մարզի պողոտային այգիներ և հետևել է նորակառույց ջերմոցային տնտեսությունում իրականացվող շինարարական աշխատանքների ընթացքին:

Նախարարը, մարզպետ Կարապետ Գուլոյանի ուղեկցությամբ, նախ մեկնել է Ալափարս համայնք, որտեղ եղել է Սերգեյ Գրիգորյանի կողմից 5 հեկտարի վրա հիմնված ազնվամորու այգում, որից 2 հեկտարը մշակվում է ՀՀ գյուղատնտեսության նախարարության գյուղատնտեսական ծրագրերի իրականացման գրասենյակի աջակցությամբ: Ընկերության տնօրենի խոսքով՝ այգում մեկ հեկտարի բերքավորությունը կազմում է 4-5 տոննա բերք, արտադրանքն իրացվում է հիմնականում «Թամարա ֆրուտ» ընկերության կողմից, ինչպես նաև ներքին շուկայում: Նախարարն իր հերթին նպատակահարմար է համարել հնարավորության դեպքում տեղում կազմակերպել նաև պատրաստի արտադրանքի փաթեթավորման գործընթացը, իսկ կարկտահարություններից խուսափելու համար տեղադրել հակակարկտային ցանցեր:

Այնուհետև նախարարն այցելել է Նոր Գեղի համայնքի 20 հեկտարի վրա հիմնված խնձորի այգիներ, որոնց մշակումն իրականացվում է 5 սեփականատերերի կողմից ստեղծված կոոպերատիվի կողմից: Կոոպերատիվի անդամ Սաշա Հովհաննիսյանը տեղեկացրել է, որ այգում մշակվում է յոթ տարի խնձոր. սեպտեմբերի վերջին կսկսվի բերքահավաքը, արտադրանքն իրացվում է հանրապետությունում և ռուսական շուկայում:

Նախարարը Նոր Գեղի համայնքում եղել է 3.2 հեկտարի վրա կառուցվող ելակի արտադրության ջերմոցային տնտեսությունում: Կենսատեխնոլոգ Արամ Ղևոնդյանի տեղեկացմամբ, ելակի սածիլներն օրերս կներկրվեն Հովհաննիսյանի, ելակի աճեցումը կատարվելու է անհող աճեցման ժամանակակից եղանակով: Այստեղ արտադրվող ելակի իրացումը նախատեսվում է կազմակերպել ինչպես ներքին շուկայում, այնպես էլ արտերկրում:

Է 2

ՊԱՇՏՈՆԱԿԱՆ

Կառավարության կիստում վարչապետը դիմել է ներկաներին. «Ազգային վիճակագրական ծառայությունն այսօր հրապարակել է առաջին կիսամյակի տնտեսական աճի ցուցանիշները: Առաջին եռամսյակում, ըստ ճշգրտված տվյալների, ունեցել ենք ՀՆԱ-ի 2,5 տոկոս, իսկ երկրորդ եռամսյակում՝ 5,1 տոկոս տնտեսական աճ, արդյունքում ունենք շուրջ 4 տոկոս կիսամյակային տնտեսական աճ: Արտերկրից եկող տրանսֆերտների էական նվազման պարագայում հատկապես կարևորվում է գյուղատնտեսական ոլորտում արձանագրված աճը, որը լրջորեն մեղմում է արտաքին գործոններով պայմանավորված մեր քաղաքացիների գնողունակության կորուստը, ինչպես նաև մեր արտահանման բազմազանությունը: Մենք այսօր ապրանք ենք արտահանում ավելի շատ երկրներ: Հանձնարարում եմ տնտեսության ոլորտի բոլոր գերատեսչություններին՝ հանրությանը մանրամասն ներկայացնել կիսամյակի տնտեսական արդյունքները»:

ՈՒՇԱԳՐՈՒԹՅՈՒՆ

Կարկուտից և ուժեղ քամուց վնասված այգիներում անհրաժեշտ է՝

- Անհապաղ բարձրացնել վազի հողի վրա ընկած հատվածները, տեղադրել հենակներ, ստեղծել պայմաններ՝ բնական օդափոխության ապահովման համար

- Կտրել ու հեռացնել վազի ուժեղ վնասված մատերը, վերականգնման ոչ ենթակա շվերը և խիստ վնասված ողկույզները

- Ողկույզների փտումը կանխելու համար (որը շատ հավանական է) խորհուրդ է տրվում այգիները սրսկել Բոտրանի 1,0 - 1,5 կգ/հա նորմայով կամ Տելդորի 1,0 կգ/հա նորմայով:

Արարատի և Արմավիրի մարզերում խաղողի այգիներում նկատվում է մոխրագույն փտում հիվանդության առանձին օջախներ, իսկ որոշ տեղերում՝ ողկույզների փտման ավելի հաճախակի հանդիպող դեպքեր: Օջախային վարակի դեպքում բուժումները կարելի է կատարել ձեռքի սրսկիչներով՝ սրսկելով միայն վարակված վազերը, իսկ մասսայական վարակի դեպքում կատարել համատարած սրսկումներ՝ օգտագործելով Բոտրան 1,0 - 1,5 կգ/հա կամ՝ Տելդոր 1,0 կգ/հա:

Իսկ եթե նկատվում են նաև խաղողի արագորի հետքեր, ապա ցանկալի է սրսկումը կատարել Չատո կամ Չատո սթար թունաքիմիկատներից որևէ մեկի 0,4-0,6 կգ/հա նորմայով:

Կարտոֆիլի սպասվող բերքի և ներկայիս գների վերաբերյալ ՀՀ գյուղատնտեսության նախարարությունը տեղեկացնում է, որ հանրապետությունում սեփական արտադրության հաշվին ոչ միայն բավարարվում է ներքին սպառման ամբողջ պահանջարկը, այլև հնարավորություններ են ստեղծվում արտահանումների համար: Այդ առումով բացառություն չէ նաև ընթացիկ տարին: Արարատյան հարթավայրում մշակվում են կարտոֆիլի վաղահաս սորտեր, որոնց բերքահավաքը սկսվում է ապրիլ ամսից և ավարտվում հուլիսին: Հանրապետության բարձրագույն գոտում հիմնականում մշակվում են ուշահաս սորտեր, որոնց մասսայական բերքահավաքը սկսվում է սեպտեմբերի կեսերից, իսկ նույն գոտու համեմատությամբ ցածրագույն հատվածներում մշակվող միջահաս և միջուշահաս սորտերի բերքահավաքն արդեն մեկնարկել է: Ստացվում է այսպես, որ ամբողջ օգոստոս ամսվա ընթացքում, սեզոնի հետ պայմանավորված, խաթարվում է շուկայում կարտոֆիլի բավարար մատակարարումը, որն էլ հանգեցնում է ժամանակավոր գնաճի: Վստահեցնում ենք հանրապետության սպառողներին, որ մինչև սեպտեմբեր ամսվա առաջին կեսը շուկայում աստիճանաբար կդիտվի կարտոֆիլի գնանկում, իսկ ամսվա վերջում գինը կհավասարվի նախորդ տարիների մակարդակին: Նախարարությունը վերահսկում է իրավիճակը և հավաստիացնում, որ առաջիկայում արդեն կարտոֆիլի շուկայում կդիտվեն դրական փոփոխություններ:

ՀՀ գյուղատնտեսության նախարարություն

Ինքնահոս ջրամատակարարումը կթերթեւացնի գյուղացու հոգսը	Էջ 4
Վնասի չափերն ուսումնասիրելու նպատակով	Էջ 6
Մասնագետի խորհուրդը	Էջ 7

ԱՇԽԱՏԱՆՔԱՅԻՆ ԱՅՅ

Շահագործման է հանձնվել հանրապետության ամենախոշոր սպանդանոցը

1

Ավարտելով իր խոսքը՝ Սերգո Կարապետյանը վստահեցրել է, որ ՀՀ գյուղատնտեսության նախարարությունը հնարավորինս կաջակցի նորակառույց սպանդանոցի ամենօրյա աշխատանքների կազմակերպման հարցում:

Ընկերության համասեփականատեր Արմուդ Յախվերդյանն իր հերթին նշել է, որ մինչև տարեվերջ շահագործման կհանձնվի նաև աշխատանքային մեկ հերթափոխում մինչև 200 գլուխ խոշոր եղջերավոր անասունների մորթը կազմակերպելու հնարավորություն ունեցող հոսքագիծը:

Իրանի Իսլամական Հանրապետության արտակարգ և լիազոր դեսպան Մոհամմադ Ռեիսին ընդգծել է, որ հայկական մամթերքն իր համային բարձր հատկանիշների շնորհիվ իրանական շուկայում ունի մեծ պահանջարկ, և սպանդանոցի բացումը թույլ կտա Հայաստանից արտահանել որակյալ մամթերք: Դեսպանը չի բացառել, որ հետագայում Հայաստանի այլ մարզերում ևս հնարավոր է հիմնվել նույն եղանակով մորթ իրականացնող այլ սպանդանոցներ:

Մինչ այժմ Մասիսի սպանդանոցում փորձական մորթի են ենթարկվել հանրապետության տարբեր մարզերից, առավելագույնը Սյունիքից ներկրված ավելի քան 700 գլուխ մանր եղջերավոր կենդանիներ:

Գյուղատնտեսական նշանակության նոր տարածքներ

1

Նախարար Սերգո Կարապետյանն ուղևորվել է նաև Արմավյան քաղաքում գործող եվրոպական արտադրության նորագույն տեխնոլոգիաներով հագեցած սնկի արտադրության և վերամշակման «Առողջ տուն» ՍՊԸ: Սնկի արտադրամասում նախարարի շրջայցի ընթացքում ընկերության տնօրեն Արթուր Ազոյանը տեղեկացրել է, որ վերջին տարիներին այստեղ արձանագրվել է պատրաստի հումքի, թարմ սնկի և սնկի պահածոների արտահանման դինամիկ աճ՝ անցյալ մեկ տարվա ընթացքում հատելով 1 միլիարդ դրամի արտահանման շեմը: Նա նաև հավելել է, որ ընկերությունում արտադրվում են թարմ շամպինյոն, կախասունկ և պորտոբելլո տեսակի սնկեր, տարեկան արտադրության ծավալը կազմում է շուրջ 960 տոննա:



Ամփոփելով այցի արդյունքները՝ նախարարը նշել է, որ 2015 թվականին մարզի գյուղատնտեսության ոլորտում զգալի աճ է գրանցվել: «Այս տարի բարենպաստ պայմաններ են ստեղծվել Կոտայքի մարզում գյուղատնտեսության զարգացման համար, սպասվում է հացահատիկի, մրգի և հատապտղի բարձր բերք: Ընդհանուր առմամբ, մարզի վերջին տարիների ամենամեծ ձեռքբերումներից է վարելահողերի մշակության ծավալների աճը, ինչի արդյունքում 2015 թվականին մարզում մշակվել է 18021 հա վարելահող՝ նախորդ տարվանից գրեթե հազար հեկտարով ավելի: Համոզված եմ, որ Կոտայքի մարզում մշակվող հողերի ծավալը տարեցտարի կշարունակի ավելանալ»,- նշել է նախարար Սերգո Կարապետյանը:

Նախարարը նաև գոհունակություն է հայտնել մարզում ջերմոցային տնտեսությունների արագ զարգացմամբ և պտղատու այգիներ հիմնելու կապակցությամբ՝ շեշտելով, որ այս երկու ճյուղերը շատ կարևոր ու հեռանկարային նշանակություն ունեն մեր հանրապետության գյուղատնտեսության ոլորտի համար:

Կարկտահարված դաշտերի ուսումնասիրություն

ՀՀ գյուղատնտեսության նախարար Սերգո Կարապետյանն աշխատանքային այցով մեկնել է Արարատի մարզի մի շարք համայնքներ՝ ծանոթանալու օգոստոսի 22-ին տեղացած ուժեղ կարկուտից տուժած համայնքների կրած վնասներին:

Սկզբում նախարարը, Արարատի մարզպետ Ռուբիկ Աբրահամյանի ուղեկցությամբ, այցելել է բնական աղետից ամենաշատը տուժած Շահումյան համայնք, տեղում ծանոթացել վնասի իրական չափերին: Այնուհետև նախարարն ուղևորվել է կարկտահարությանից վնասներ կրած Այգեգարո, Այգեպատ, Վերին Արտաշատ և Ոստան համայնքներ: Տուժած բոլոր տնտեսություններում նախարարը զրուցել է գյուղացիների հետ, նշել, որ կարկուտի պատճառած վնասները հաշվարկելու համար ստեղծվել են համապատասխան հանձնաժողովներ, որոնց աշխատանքի արդյունքներն ամփոփումից հետո կներկայացվեն ՀՀ կառավարություն: «Հիմա առաջնահերթ խնդիրներից է վերականգնել կարկտահարված այգիները, որպեսզի հաջորդ տարի հաջողվի լիարժեք բերք ապահովել»,- նշել է իր խոսքում նախարար Սերգո Կարապետյանը:



Նախարարը նաև հավելել է, որ առաջիկայում կառավարությունում կննդարկվի վարկերի հետաձգման հարցը և կցուցաբերվի անհատական մոտեցում:

Ընդհանուր առմամբ, Արմավիրի և Արարատի մարզում կարկտահարության արդյունքում տարբեր չափի վնասներ է կրել շուրջ 16 համայնք, իսկ Շիրակի մարզում՝ 3 համայնք:

ՍԵՐՍՆԱԲՈՒԾՈՒԹՅՈՒՆ

Ներկրվել է աշնանացան ցորենի սուպերէլիտային սերմացու

«Հայաստանի Հանրապետությունում ցորենի սերմնաբուծության և սերմարտադրության զարգացման ծրագրի» շրջանակներում, Ռուսաստանի Դաշնությունից «Սերմերի գործակալություն» ՊՈԱԿ-ի կողմից հանրապետություն է ներկրվել 40 տոննա աշնանացան ցորենի սուպերէլիտային սերմացուի խմբաքանակը: ՀՀ գյուղատնտեսության նախարար Սերգո Կարապետյանն այցելել է Մասիսում գտնվող պահեստ և անձամբ հետևել աշնանացան ցորենի սերմացուի բեռնաթափման և բաշխման գործընթացին:



Ներկրված սերմացուն հատկացվելու է Շիրակի, Լոռու, Սյունիքի և Գեղարքունիքի մարզերի ցորենի սերմնաբուծությամբ զբաղվող այն ֆերմերներին, որոնք նախկինում ընդգրկված են եղել նշված ծրագրում և ունեն յոթ և ավելի հեկտար ջրովի վարելահողեր: Ներկրված սերմացուից ակնկալվում է ստանալ մեկ հեկտարից նվազագույնը 50 ցենտներ ցորենի բերք: Սերմացուի մի մասը կտրամադրվի «Գյումրիի սելեկցիոն կայան» ՓԲԸ-ին:

Սերմացուն տրամադրվել է շահառուներին 2015 թվականի աշնանացանի աշխատանքները ժամանակին կատարելու, ցանքատարածությունների ու համախառն բերքի ծավալների և գյուղատնտեսությամբ զբաղվող տնտեսավարող սուբյեկտների եկամուտների ավելացման նպատակով:

«Ծրագրի շնորհիվ վերջին հինգ տարիներին սերմնաբուծության ոլորտում մեզ հաջողվել է հասնել բարձր արդյունքների. միայն այս տարի հացահատիկային մշակաբույսերի շուրջ 11 հազար հեկտար լրացուցիչ ավել ցանք է իրականացվել: Ցորենի միջին բերքատվությունը, մեկ հեկտարի հաշվով, 2014 թվականին ավելացել է 83 տոկոսով, իսկ 2015 թվականին բերքի համախառն արտադրության ծավալները կգերազանցեն նախորդ տարվա մակարդակը»,- նշել է Սերգո Կարապետյանը:

Ադրադառնալով հացահատիկի բերքահավաքի աշխատանքներին՝ նախարարը նշել է, որ դրանք կավարտվեն 10 օրվա ընթացքում, ավելակվում է, որ այս տարի կգերազանցվեն վերոգրյալ ցուցանիշները: Նախարարը հավելել է, որ ընթացիկ տարում աշնանացան ցորենի պահանջարկը մարզերի կողմից կազմում է 3 875 տոննա:

ՀՀ գյուղատնտեսության նախարարության «Սերմերի գործակալություն» ՊՈԱԿ-ի տնօրեն Վլադիմիր Մանուկյանը զեկուցել է նախարարին, որ ծրագրով նախատեսված է հանրապետություն ներկրել 1509 տոննա առաջին վերարտադրության և 40 տոննա սուպեր էլիտ սերմեր, որից օգոստոսի 31-ի դրությամբ արդեն ներմուծվել է 1300 տոննա առաջին վերարտադրության և 40 տոննա սուպերէլիտ սերմեր: Մնացած խմբաքանակը հանրապետություն կհասնի մինչև սեպտեմբերի 8-ը:

Ֆերմեր Չամս Գյուլգադյանը, ով արդեն 4 տարի է, ինչ ծրագրի շահառուներից է, հաջողված է համարում այս ծրագիրը և նշում է, որ ձեռքբերված էլիտային սերմացուից հեկտարից միջինը 7 տոննա բերք է ստացել: Սերմացուն հատկացվում է գյուղացիական տնտեսություններին՝ հաջորդ տարի բերքահավաքից հետո 1:2 փոխհարաբերությամբ աշնանացան ցորենի էլիտ սերմացուի վերադարձի պայմանով:

ԼՐԱՏՎՈՒԹՅՈՒՆ

ՀՀ ՊՍ սննդամթերքի անվտանգության պետական ծառայությունը, սահմանային վերահսկողության շրջանակներում, արգելել է Հնդկաստանից Rajdhani ընկերության արտադրության դեղին սիսեռի, Rajdhani SELECT ընկերության արտադրության ռաֆինացված, մանր աղացած ցորենի սպիտակ ալյուրի և սպիտակաձավարի, ինչպես նաև AASHIRVAAD ընկերության արտադրության ցորենի թեփով ալյուրի ներմուծումը Հայաստան:

Ընդհանուր 800 կգ քաշով նշված խմբաքանակների պիտանիության ժամկետները լրացել են օգոստոս ամսվա վերջին:

ՍԱԳԾ լրատվական ծառայությունից հայտնում են, որ բեռի ներմուծումն արգելվել է՝ համաձայն «Սննդամթերքի անվտանգության մասին» Հայաստանի Հանրապետության օրենքի, որով արգելվում է Հայաստանի Հանրապետության տարածք ներմուծել սննդամթերք, եթե ընդհանուր պիտանիության ժամկետի լրանալուն մնացել է 30 օրից քիչ կամ առավելագույնը 120 օր պիտանիության ժամկետ ունեցող արտաքստեսակների դեպքում՝ մեկ քառորդից պակաս ժամկետ:

ՏԵՂԵԿԱՏՎՈՒԹՅՈՒՆ

ՄԻՋԱԶԳԱՅԻՆ ԲՈՐՍԱՆԵՐՈՒՄ ԵՎ ԱՇԽԱՐՀԻ ՈՐՈՇ ԵՐԿՐՆԵՐՈՒՄ ԿԱԹԻ, ՉԵԴԴԵՐ ՏԵՍԱԿԻ ՊԱՆԻՐԻ ԵՎ ՑՈՐԵՆԻ ԳՆԵՐԻ ՎԵՐԱԲԵՐՅԱԼ

Կաթի գների վերաբերյալ

Աշխարհում յուրաքանչյուր տարի արտադրվում է մոտ 750 մլն. տոննա կաթ, որից շուրջ 638 մլն. տոննան՝ կովի կաթ է:

Միջազգային բորսաներում նկատվել է III կարգի կաթի գների անկում: NASDAQ բորսայում III կարգի կաթի գինը 2014թ. համեմատ նվազել է շուրջ 10.3%: Համաձայն կանխատեսումների՝ սպասվում է, որ մինչև տարեվերջ կաթի գինը միջազգային բորսաներում կնվազի ևս 21.5%:

Նվազումը պայմանավորված է յուրաքանչյուր տարի աշխարհում կաթի արտադրության ծավալների 1-2 %-ի ավելացմամբ, որի հետևանքով առաջանում է կաթի ավելցուկ:

Միևնույն ժամանակ հարկ է նշել, որ ԵՄ երկրների դեմ Ռուսաստանի Դաշնության կողմից պատժամիջոցների շարունակումն առաջացրել է կաթնային արտադրանքի ավելցուկ, և ԵՄ երկրները ստիպված են սպառման նոր շուկաներ գտնել:

ԵՄ որոշ երկրներում կաթի գների դինամիկան 2014-2015թթ. հունիս ամսվա դրությամբ

դրամ/կգ

	15/06/2014	15/06/2015	%
Բելգիա	201	144	-28.4
Բուլղարիա	189	133	-29.6
Դանիա	229	165	-27.9
Ֆրանսիա	201	165	-17.9
Գերմանիա	206	154	-25.2
Լատվիա	162	112	-30.9
Լիտվա	145	112	-22.8
Էստոնիա	178	133	-25.3
Լեհաստան	178	144	-19.1
Նիդերլանդներ	234	160	-31.6
Ռումինիա	162	112	-30.9
Ռուսաստան	232	168	-27.5
Բելառուս	135	121	-10.3
Ղազախստան	171	147	-14
Ղրղզստան	122	118	-3.2
Թուրքիա	153	138	-9.8

Ինչպես երևում է, ԵՄ երկրներում կաթի գները, նախորդ տարվա համեմատ, նվազել են: ԵՄ երկրներում կաթի գինը մեկ տարվա ընթացքում նվազել է մինչև 30.9%: Աղյուսակում նշված ԵՄ երկրներում կաթի միջինացված գինը 2014թ. կազմել է 173 դրամ՝ 1կգ համար, իսկ 2015թ.՝ 127 դրամ: Այսպիսով՝ աղյուսակում նշված ԵՄ երկրներում մեկ տարվա ընթացքում կաթի գինը միջինում նվազել է 26.5% կամ 46 դրամ:

Նոր Չեյնայում կաթի գինը 2015թ. միայն մայիս ամսին նվազել է 5.9%-ով, իսկ մեկ տարվա ընթացքում այն նվազել է մոտ 42%-ով: Նմանատիպ իրավիճակ է նաև կաթ արտադրող խոշորագույն երկրներ համարվող Ավստրալիայում և ԱՄՆ-ում: Օրինակ՝ Ավստրալիայում կաթի գինը նվազել է ընդամենը 12%-ով, իսկ ԱՄՆ-ում 11%-ով՝ կազմելով 36,2 ցենտ՝ 1 կգ համար՝ կամ 173 դրամ:

Կաթի միջազգային գների անկումն իր բացասական ազդեցությունն է թողել նաև Եվրասիական տնտեսական միության (այսուհետ՝ ԵՏՄ) երկրների կաթի գների վրա: ԵՏՄ երկրներում կաթի գները, նախորդ տարվա համեմատ, նվազել են: ԵՏՄ երկրներում կաթի միջինացված գինը 2014թ. կազմել է 165 դրամ՝ 1կգ համար, իսկ 2015թ.՝ 138.5 դրամ: ԵՏՄ երկրներում մեկ տարվա ընթացքում կաթի գինը միջինում նվազել է 13.75% կամ 26.5 դրամ:

Հայաստանի Հանրապետության հարևան երկրներում նույնպես նկատվում է կաթի գների անկում: Մասնավորապես, Թուրքիայում, 2014թ. համեմատ, 2015թ. կաթի գինը նվազել է 9.8% և կազմել է 138 դրամ/կգ:

Պանրի գների վերաբերյալ

Որոշ երկրներում պանրի (Չեդդեր) գները՝ 2014-2015թթ. օգոստոս ամսվա դրությամբ


դոլար/կգ

	Օգոստոս 2014թ.	Օգոստոս 2015թ.	%
Ավստրալիա, Նոր Չեյնայի	4.2 (1718 դրամ)	2.9 (1385 դրամ)	-31
ԱՄՆ	4.8 (1963 դրամ)	3.8 (1815 դրամ)	-20.8
Գերմանիա	4.2 (1718 դրամ)	2.4 (1146 դրամ)	-42.8
Լեհաստան	3.5 (1431 դրամ)	2.8 (1337 դրամ)	-20
Միացյալ Թագավորություն	3.5 (1431 դրամ)	2.9 (1385 դրամ)	-17.1

Ինչպես երևում է աղյուսակից, Չեդդեր տեսակի պանրի գները նույնպես նվազել են: Նվազման պատճառներից մեկը կաթի գների անկումն է համաշխարհային շուկայում:

Ցորենի գների վերաբերյալ

Աշխարհում յուրաքանչյուր տարի արտադրվում է մոտ 725 մլն. տոննա ցորեն: Ցորենի գները միջազգային շուկաներում՝ համաձայն INDEXMUNDI-ի տվյալների:



*INDEXMUNDI-ի տվյալները կազմված են Համաշխարհային բանկի տվյալների հիման վրա:

Ինչպես երևում է գծապատկերից, մեկ տարվա ընթացքում գրանցվել է ցորենի գների անկում: Մեկ տարվա ընթացքում ցորենի գինը նվազել է շուրջ 14.5%: 2015թ. հունվար ամսից սկսած ցորենի գնի նվազման պատճառ են հանդիսացել մի շարք կազմակերպությունների կողմից բարձր բերքի վերաբերյալ կատարած կանխատեսումները:

ՌԴ հարավային հատվածում ցորենի գներն աստիճանաբար անկում են ապրել: Հուլիսի 10-ին արձանագրված գինը -11.1%-ով ցածր է ապրիլի 10-ին արձանագրված գնից: Գնային նման տատանումը, պայմանավորված է ինչպես 2014թ. ցորենի աննախադեպ բերքով, այնպես էլ Ռուսաստանի կառավարության վարած հատուկ քաղաքականությամբ: Մասնավորապես, ՌԴ կառավարությունը ընթացիկ տարվա մայիսին որոշում է ընդունել 2015թ. մայիսի 15-ից վերացնել երկրից արտահանվող ցորենի վրա դեռևս նախորդ տարվանից սահմանված մաքսատուրքը, ինչը ևս բնականորեն է ազդել ցորենի գնի նվազման վրա: Ներկայումս ռուսաստանյան շուկայում (հարավային հատված) 1 տոննա ցորենի արժեքը 77748 դրամ է (1 ռուբլին = 6.82 դրամ):

Աշխարհում ցորենի զգալի մասը համաշխարհային մի քանի խոշոր բորսաների (CBOT, MATIF, LIFFE և այլն) միջոցով վաճառվում է աշխարհում ցորենի պահանջարկ ունեցող երկրներին: Այդ բորսաներում, 2014թ. համեմատ, 2015թ. նույնպես գրանցվել է գների անկում:

Ցորենի գնանշումների դինամիկան համաշխարհային բորսաներում՝ 2014-2015թթ. օգոստոս ամսվա դրությամբ

	19.08.14թ. դոլար մեկ տոննայի դիմաց	18.08.15թ. դոլար մեկ տոննայի դիմաց	+/- % մեկ տարվա ընթացքում	Գինը ՀՀ դրամ/կգ տվյալներով	Փոխարժեք \$-դրամ 18.08.2015 դրությամբ
Ցորեն					477.62
CBOT Չիկագո	204.7 (83558 դրամ)	183.8 (87786 դրամ)	-10.2	87.7	
LIFFE Լոնդոն	201.6 (82293 դրամ)	178.6 (85303 դրամ)	-11.4	85.3	
MATIF Փարիզ	230.4 (94049 դրամ)	192.4 (91894 դրամ)	-16.4	91.8	

CBOT Չիկագո և LIFFE Լոնդոն բորսաներում ցորենի գների դրամային արտահայտությամբ գնաճը պայմանավորված է փոխարժեքի տատանումից: Միջազգային բորսաներում ապագայում արձանագրվող գների վրա անմիջական ազդեցությունն ունեն նաև մի շարք հեղինակավոր կազմակերպությունների (ՄԱԿ-ի ՊԳԿ, USDA և այլն) 2016թ. համար կատարված կանխատեսումները:

ՀՀ գյուղատնտեսության նախարարություն

ՌԻՍՈՒՑՈՒՄ

ԻՆՔՆԱՀՈՍ ԶՐԱՄԱՏԱԿԱՐԱՐՈՒՄԸ ԿԹԵԹԵՎԱՑՆԻ ԳՅՈՒՂԱՑՈՒ ՀՈԳՍԸ

Այս տարվա եղանակա- յին բարենպաստ պայման- ներն ու ոռոգման ջրի ան- խափան մատակարարումը նպաստեցին առատ բերքի ստացմանը: Տարտաշատ, ջրօգտագործողների ընկե- րությունը գործում է 2003թ- ից: Ընկերության սպասարկ- ման տարածքն ընկած է Արտաշատ ջրանցքի իշխման տակ: Հիմնական ջրաղբյուր- ներն են Արտաշատի ջրանց- քը և Ազատի ջրամբարը, որոնք սպասարկվում են «Սևան-Հրազդանյան ջրառ» ՓԲԸ-ի կողմից:



Ընկերության սպասարկ- ման տարածքն ընդգրկում է Արտաշատի տարածաշրջանի 18 համայնքներ՝ Այգեգարդ, Հնաբերդ, Այգեպատ, Գե- տազատ, Այգեստան, Մրգա- նուշ, Վարդաշեն, Վ. Դվին, Ն. Դվին, Նորաշեն, Շահումյան, Վ. Արտաշատ, Քաղցրաշեն, Նարեկ, Ոստան, Դեղձուտ, Կանաչուտ և Արտաշատ քա- ղաքը՝ շուրջ 5400 հա ոռոգե- լի տարածքով: Ընկերությունը ունի 10258 ջրօգտագործող:

և բնակչությունից տեղեկա- ցել, որ ջրամատակարարու- մը կազմակերպվել է պատ- շաճ կերպով: Խաղողի առատ բերք է սպասվում: Գյուղացուն մտահոգում է խաղողի բերքի իրացման խնդիրը, սակայն վարչապետը հուսադրել է, որ մթերող գործարաններին կտարամադրվեն երկարատև մարման ժամկետով, ցածր տոկոսադրույքով վարկեր, որպեսզի գյուղացու աճեցրած ամբողջ բերքը մթերվի»:

մյն. կվտ էլեկտրատեներգիա, որի հետևանքով բարձրանում է ջրի սակագինը: Հոսանքի գինը սուբսիդավորվում է պետությունից միջոցներով: Ներկայումս աշխատանքներ են տարվում Գառնի-Քաղցրա- շեն ջրագծի կառուցման հետ կապված խնդիրները լուծե- լու համար, որը կապահովվի ինքնահոս ջուր՝ նշված 2 հա- մայնքներին, միաժամանակ հնարավորություն կստեղծվի չմշակվող հողատարածքներ ոռոգելու համար: Արդյունքում կունենանք էլեկտրատեներգիա- յի զգալի խնայողություն:

Մեր հանդիպման ընթաց- քում Արտաշատ ԶՕԸ-ի տնօ- րեն Թադևոս Թադևոսյանը նշել է. «Տարվա ընթացքում Արարատի մարզ են այցելել ՀՀ վարչապետը, գյուղատն- տեսության նախարարը և անմիջապես գյուղացուց տե- ղեկացել նրանց մտահոգող հարցերի մասին. վերջերս Արարատի մարզ էր այցելել վարչապետ Հ. Աբրահամյանը

Արտաշատ ԶՕԸ-ի տնօ- րեն Թադևոս Թադևոսյանը նշել է նաև առաջիկա անե- լիքների մասին: Ըստ նրա՝ ընկերության սպասարկման տակ գտնվող 2 համայնքնե- րին՝ Նարեկին ամբողջությա- մբ և մասամբ Քաղցրաշեն համայնքին ոռոգման ջուրը մատակարարվում է պոմպա- կայանների միջոցով, որոնք տարեկան ծախսում են 10,5

Ոռոգման սեզոնի ընթաց- քում ԶՕԸ-ի աշխատանքները իրականացվում են շուրջօր- յա, իսկ ջրամատակարարման ավարտից հետո վերանորոգ- ման աշխատանքներ են կա- տարվում հաջորդ տարվա հա- մար:

Մանվել Կիրակոսյան

ԱՅՍԿՅՈՒԹՅԱՆ ԾՐԱԳԻՐ

ԲԱՐԵԼԱՎՎԵԼ Է ԱՐՈՏԱՎԱՅՐԵՐԻ ԶՐԱՐԲԻԱՑՄԱՆ ՀԱՄԱԿԱՐԳԸ

ԱՄՆ Միջազգային Չարագման Գործակալության ֆինան- սական միջոցներով, ԳՀ Արագածոտնի մարզի Նիգավան հա- մայնքում, «Հանուն գյուղական համայնքների բարգավաճման» ծրագրի շրջանակներում, բարելավվել է արոտավայրերի ջրար- քիացման համակարգը:

Արոտավայրերի ջրարքիացման նպատակով, կառուցվել է 925 մ երկարությամբ ջրագիծ, տեղադրվել է 3 խմոց, որոնց հե- տագա պահպանությունն իրականացնելու է գյուղապետարա- նը: «Ծրագրի իրականացումը կնպաստի անասնազխաքանա- կի աճին, կենդանիների կաթնատվության ավելացմանը, քանի որ արոտավայրերում արդեն առկա է խմելու ջուրը: Այդպիսով՝ անասնապահության զարգացման և ստացված եկամուտների ավելացման հաշվին գյուղացիները կարող են հոգավ իրենց ըն-



տանիքների հոգսերը: Մեկ կովի փոխարեն կպահեն 2-ից 3-ը»,- նշում է Նիգավան համայնքի ղեկավար Արտաշես Գալստյանը:

Խոշոր եղջերավոր կենդանիների թիվը հասնում է 1280-ի, որից 600-ը կովեր են: Գյուղում ավելանում է նաև մանր եղջերա- վոր անասունների զխաքանակը, ներկայումս առկա է 700 գլուխ մանր եղջերավոր կենդանի: Ինչ վերաբերում է կաթի իրացմանը, ապա հիմնականում այն մթերում են Ապարանի պանրի գործա- րանին: Պրն. Գալստյանի տեղեկացմամբ, գյուղում փոքր է ար- տագաղթողների թվաքանակը, ինչը համայնքի նկատմամբ ու- նեցած մեծ սիրո և ավանդույթների պահպանման արդյունք է: «Լեռնային անասնապահական գյուղի համար այս ծրագրի իրա- կանացումն էական նշանակություն ունի, քանի որ ազգաբնակ- չությունը եկամուտի ստացման այլ աղբյուրներ չունի»,- եզրա- հանգում է գյուղապետը:

Նելլի Սահակյան

ԳԻՄԱՆԿԱՐ

ԱՄԵՆ ԹՈՒՓ, ԾԻԼ ԽՆԱՄՔԻ, ՄՇԱԿՈՒԹՅԱՆ ԻՐ ՊԱՀԱՆՁՆ ՈՒՆԻ

Դեպի Խոտ գյուղ տանող ճանապարհի Ենգիճա հան- դամատում գտնվող իր այգում Արզամ Ալեքսանյանը մեզ դի- մավորում է բարձր տրամադ- րությամբ:

Պարզվում է, որ Ռուսաս- տանի Դաշնության Յարոսլ- ավ քաղաքի Օդատիեգերային ակադեմիայում սովորող որդին արձակուրդ է եկել. «Կավար- տի, կգա, կհամալրի մեր բա- նակի շարքերը...», - երազվոտ, բայց հպարտ տոնով ասում է Արզամը: Հազիվ 14 տարեկան էր, երբ ընդունվեց Մոսկոյի Մե- լյուսկայի անվան ռազմա-մար- զական վարժարան: Դժվար էր, անշուշտ, պատանու հա- մար միանգամից ինքնուրույն կյանքով ապրել, բայց երբեք չի տրտնջացել, չի բողոքել: այս ամենի մասին հայրը ակնա- ծանեցրել է պատմում և մատնա- ցույց անելով քիչ հեռու գտնվող այգին, ասում. «Ես տարի առա-

ջին անգամ եմ եկտեղ սկսել ցա- նել, 4 հազար հատ լոբու հենակ եմ տնկել, իմ հաշվարկով, ամեն մեկից մինչև 1 դոլար եկամուտ պիտի ստանամ, դրա 80 տո- կոսն էլ՝ շահույթ, դա իմ երեխե- քի համար է, որ կարողանան իրենց երազանքներն իրակա- նացնել»: Պնդում է, որ անպայ- ման մոտիկից տեսնեսք այգին. ճանապարհին մեկիկ-մեկիկ ներկայացնում է առուն, որ իր ձեռքերով է փորել, նոր տնկած խնձորենին, հոնի ծառը, որից անցած տարի մի քանի «եկա- մուտ ստացան», սև մասրենին, նախորդ օրվա հնձած խոտը... պատմում է, բայց ավելի շուտ, կարծես խոսում նրանց հետ, անպայման ձեռքով շոշափելով տերևը, խոտը, ձեռքը թրջում առվի ջրում՝ ինչպես փողո- ցով անցնող մարդկանց հետ կշիվեր: Չի դժգոհում անգամ նրանից, որ շաբաթներով տուն չի գնում. ոչ թե մտահոգվում է,

որ բերքը կգողանան, այլ, ժա- մանակը չի հերիքում, ասում է, որ ամեն թուփ, ծիլ խնամքի, մշակության իր պահանջն ունի: Տարեցտարի ընդլայնել է հողամասը, բայց ոչ միայն այն պատճառով, որ ավելի շատ բերք ստանա, այլև կարողա- նա ճիշտ օգտագործել հողը. Սյունիքի գյուղատնտեսույթ- յան աշակցության մարզային կենտրոնի հետ վաղուց է հա- մագործակցում, դեռ տարիներ առաջ արժանացել է ԳԱՄԿ-ի «Համագործակցող ֆերմեր» պատվոգրի: Ինքն էլ շատ է կարդում, փոքրիկ հողակտորի վրա ցանքաշրջանառություն կիրառում: Գյուղատնտեսա- կան բարձրագույն կրթություն ունի, բայց նոր տեխնոլոգիա- ներ կիրառելու համար չի զլա- նում ԳԱՄԿ-ի խորհրդատուներին խորհուրդ հարցնել: Հենց նրանց խորհրդին հետևելով և նաև մարդկանց պահանջար-

կը հաշվի առնելով սկսել է Էկոլոգիա- պես մաքուր բան- ջարեղենի արտադ- րությամբ զբաղվել. «Ծավալներն այն- քան շատ չեն, որ չկարողանամ իրաց- նել, մարդիկ կան, ովքեր համոզված լինելով, որ, օրինակ, լոբու մշակության համար հան- ջարյին ոչ մի պարտաւնյութ, թունաքիմկատ չեմ օգտագոր- ծում, անգամ շուկայականից ավելի բարձր գնով ձեռք բերե- լու պայմանով, անպայման մեզ են դիմում», - ասում է Արզամը՝ շեշտելով, որ իր հողամասը գտնվում է բնակլիմայական առումով բարենպաստ գոտում և անգամ այս տարվա երաշտի պայմաններում հաջողվում է բարձր բերք ստանալ: Մինչ Արզամը ոգևորված պատմում էր հողամասի, նաև

հետագա ծրագրերի, նաև Էկո- լոգիապես մաքուր մասաթեթ արտադրելու մասին, լույսի նման ճերմակ թռչունիկները պտտվում են նրա շուրջը: Եր- կու-երեք տարեկան աղջնակ- ները վազվզում են մինչև այ- գու հյուղակ և վերադառնում ձմերուկից կարմրած այտերով: Արզամը երանությամբ նայում է նրանց կողմը և ասում. «Այ, նրանց համար եմ էսքան չար- չարվում»:

Ս. Շահնազարյան



ԿՈՈՊԵՐԱՑԻՎ

ՆՈՐԱՍՏԵՂԾ ԿՈՈՊԵՐԱՑԻՎԸ ԿԱԶՄԿՑԻ ՀԱՄԱՅՆՔԻՆ

«Մեր գյուղում հիմնական աշխատուժը կանայք են, դա նշանակում է՝ հատկապես նրանց պետք է աջակցել»,- ասում է Այգեյովիտ համայնքի գյուղատնտեսական կոոպերատիվի անդամ Գայանե Ամիրյանը:

«ՕԶՄՖԱՄ»-ի աջակցությամբ, ՀՀ Տավուշի մարզի Այգեհովիտ համայնքում, գյուղատնտեսական կոոպերատիվը ստեղծվել է վերջերս: Կորցնելով բուժքրոջ իր աշխատանքը՝ Գայանեն միացավ նորաստեղծ կոոպերատիվին: «Գյուղում ապրելն, ինչ խոսք, հեշտ է, բայց մենք մաքառում ենք և չենք պատրաստվում հեռանալ այս վայրից, նոր ճանապարհներ, հնարավորություններ ենք որոնում: Երբ նախորդ տարի տեղեկացանք, որ կոոպերատիվի ստեղծման համար կա աջակցություն ստանալու հնարավորություն, եկանք այն եզրահանգման, որ դա լուրջ առաջարկ է: Չրուցեցինք մարդկանց հետ, գտնվեցին ցանկացողներ, հանդիպումներ կազմակերպեցին, գրանցվեցինք և լծվեցինք գործի»,- հիշում է տիկին Ամիրյանը:

Կոոպերատիվի կազմում հիմնականում կանայք են,

բացառությամբ՝ նախագահի: Նախագահին ընտրել են, քանի որ նա ունի կազմակերպչական մեծ փորձ: Կանանց թիվը հասնում է 9-ի, որոնց տնտեսապես պետք է հզորացնել, չէ որ խնդիրներն ընտանիքներում ծագում են հիմնականում ֆինանսական միջոցների անբավարարության պատճառով: Կանայք հիմա ունեն թեև փոքր, սակայն կայուն եկամուտ, իսկ ընտանիքի բյուջեում՝ իրենց խնայողությունները: Գաղտնիք չէ, որ ֆինանսական բարեկեցությունն ամրացնում է ընտանիքը: Գայանեի կարծիքով, կարևորն այն է, որ կանանց մոտ վերականգնվել է հավատը: «Մենք հավատում ենք մեր ուժերին, գիտենք, որ համատեղ աշխատելով կարող ենք օգնել ոչ միայն մեր ընտանիքներին, այլև՝ համայնքին: Մտածում ենք, եթե ամեն ինչ բարեհաջող ընթացք ունենա, մեր եկամուտի 10-15%-ը կտրամադրենք մանկապարտեզին, որտեղ 70 երեխա է այ-



ցելում», - նշում է տիկին Գայանեն:

Գյուղատնտեսական կոոպերատիվն արտադրելու է ջերմոցային բանջարեղեն: «Ուժը, ցանկությունն ու հնարավորություններն առկա են, և հիմա մեր աշխատանքով է պայմանավորված հաջողությունների հետագա ընթացքը»,- հավելում է նա:

ԾԱՆՈԹՈՒԹՅՈՒՆ

ՍԵՆԻ ՕԳՏԱԿԱՐ ՀԱՏԿՈՒԹՅՈՒՆՆԵՐԸ


Սեխը հայրենի է հնագույն ժամանակներից: Հավանաբար առաջին անգամ սկսել են մշակել Հնդկաստանի հյուսիսում: Հայրենիքը Միջին և Փոքր Ասիան է:

Մեր օրերում Թուրքմենստանում նշվում է «Սեխի փոնը»՝ օգոստոսի երկրորդ կիրակի օրը:

Սեխը դրամագինների ընտանիքին պատկանող միամյա գետնամած բույս է: Յողունների երկարությունը հասնում է 3 մետրի, հաստությունը՝ 3 սմ-ի: Տերևաթիթեղն ամբողջական է, թույլ ատամնաեզր, երկարությունը՝ 14-18 սմ, լայնությունը՝ 20-22 սմ: Պտուղը բազմասերմ կեղծ հատապտուղ է: Գոյություն ունեն մոտ 2000 տեսակներ, որոնք տարբերվում են պտղի չափերով, քաշով՝ 0,2-40 կգ, պտղամսի և կեղևի գույնով, բուրմունքով և համով:

Հնագույն տեսակներից է Կիլիկիայում մշակվող «Ադանա»-ն, որի սերմերով պատրաստված ջրային և ոգեթուրմերը ճանաչված հակահեղինոսային միջոցներ են: Մեր հայրենիքում մշակվել և մշակվում են սեխի մոտ 10 տեսակներ՝ շալախ, ջառ-ջառ, խաթունատի, սնեյվազ, դութմա, ամքյար, միանդաբ, քալամքաշ: Սնեյվազը հնագույն և լավագույն տեսակներից մեկն է: Հատապտուղը միջին չափի է՝ ծվածն կամ էլիպսաձև, թույլ կողավոր շագանակագույն-դեղնականաչավուն մակերեսով: Պտղամիսը շատ քաղցր է, վանիլի բուրմունքով: Երկար պահպանվող տեսակ է:

Հայաստանում հնագույն ժամանակներից հայտնի են եղել սեխի պտղամսի, հյութի, սերմերի, կեղևի բուժիչ հատկությունները,



որոնք նկարագրել է Ա. Ամասիացին: Սեխի պտղամիսը պարունակում է 7-13 տոկոս շաքարներ, մինչև 0,2 տոկոս խնձորաթթու, հարուստ է C վիտամինով՝ մինչև 30 մգ 100 գ հումքի մեջ, պարունակում է նաև B₁, B₂, PP, B₅, B₆, E վիտամիններ, ֆոլիաթթու, կալիում, մագնիում, կրեմնիում, ինուլին, երկաթ: Կորեացի գիտնականները ապացուցել են, որ սեխում կա լիկոպին ֆլավոնոիդ, որն ունի հակաուռուցքային հատկություն:

Սեխը բարձրացնում է տրամադրությունը, հանգստացնում է նյարդերը, նվազեցնում է ֆիզիկական հոգնածությունը, կանխարգելում է մարդու օրգանիզմի հյուսվածքների քայքայումը: Կրեմնիումը անհրաժեշտ է միացնող հյուսվածքների գոյացման, մաշկի և մազերի առողջության համար, ճնշում է վնասակար միկրոօրգանիզմների, սնկերի գործունեությունը, կլանում է ծանր մետաղները: Կրեմնիումով հարուստ սեխի հյութը և սերմերի թուրմը վերականգնում է օրգանիզմի դիմադրողականությունը, կարգավորում է նյութափոխանակությունը և լյարդի, երիկամների, վահանագեղձի, աղիների բնականոն գործունեությունը: Կալիումը և մագնիումը նպաստում են սիրտանոթային համակարգի բնականոն աշխատանքին, հեշտ յուրացվող երկաթը կանխարգելում է սակավարյունության առաջացումը: Սեխն ունի երիտասարդացնող և գեղեցկացնող ազդեցություն:

Սեխը մեր սննդակարգում

Սեխից պատրաստում են աղցաններ, մուրաբա, սառը օշարակ, թխվածք, ջեմ, դոշաբ, ցուկատներ, չիր: Հազարամյակներ շարունակ սեխը զարդարել է թե շինականի և թե արքաների սեղանները: Պատմությունը պահպանել է տեղեկություններ, թե որ ժամերին, ինչ քանակությամբ և որ հիվանդությունների դեպքում են ուտում սեխը երկրագնդի տարբեր վայրերում:

Սեխի հանդեպ չի նվազել նաև ընտրասերիչների հետաքրքրությունը որչ Եվրոպայում. Ճապոնիայում բուծել են սեխի տեսակ, որի մեկ գույզը վաճառվել է 17 հազար դոլարով, իսկ Իսպանիայում արդեն մշակում են կիտրոնի համ ունեցող տեսակը:

Բժիշկ սննդաբանները զգուշացնում են, որ սեխի չարաշահումը կարող է առաջացնել ցավեր որովայնում: Սեխը չի կարելի ուտել կաթնամթերքի հետ: Խորհուրդ է տրվում ուտել որպես ինքնուրույն սնունդ՝ երկրորդ նախաճաշի կամ ետճաշիկի ժամերին: Սառեցրած սեխի պահպանման ժամկետը մինչև 3 ամիս է:

ՏՆՏԵՍԱԿԱՆ

ԲԱՐՁՐԱՑԵԼ Է ԿԱԹԻ ՄԹԵՐՄԱՆ ԳԻՆԸ

Արտադրվող կաթի ծավալների նվազմանը զուգընթաց, հանրապետությունում բարձրացել է կաթի մթերման գինը, որն այսօրվա դրությամբ տատանվում է 130-150 դրամի սահմաններում:

Կաթի մեծածավալ մթերումներ այսօր հանրապետությունում իրականացնում է շուրջ 70 ընկերություն: Մթերման գների բարձր ցուցանիշներ են արձանագրել «Ահարոն Ղարիբյան»



Կաթնամթերքի արտադրությունում մասնագիտացված վերամշակող այս ընկերությունն օրական մթերում է 4-5 տոննա կաթ, իսկ ձմռան ամիսներին նվազելով՝ այն հասնում է 2-3 տոննայի: Նրա տեղեկացմամբ, աշխատում են հիմնականում մթերող միջնորդ կազմակերպությունների կամ անհատների հետ: «Վերամշակովները բոլորովին էլ դեմ չեն, որպեսզի կաթի մթերման գները լինեն շուկայական, սակայն դրանք չպետք է լինեն կամայական», - հավելում է ընկերության տնօրենը:

Խնդրի կարգավորման հնարավոր տարբերակներից մեկն էլ, ըստ Ռուբեն Հարությունյանի, սեփական ֆերմա ունենալն ու արտադրությունում գերակշռող մասը անձնական տնտեսության կաթի օգտագործումն է: «Դա կնպաստի արտադրության ծավալների, հետևաբար՝ նաև շուկայի ընդլայնմանը», - եզրահանգում է նա: Իրենք, օրինակ, ինամում են 50 գլուխ կով, ստացված կաթն ամբողջությամբ վերամշակվում է արտադրությունում: Նույնիսկ կուզենային ավելացնել գլխաքանակը, սակայն դա ևս ֆինանսական լուրջ ներդրումներ է պահանջում:

Ինչ վերաբերում է մթերված կաթի դիմաց վճարումներին, ապա հանրապետությունում այն կատարվում է կանխիկ, և ֆերմերների կողմից հիմնականում այդ ուղղությամբ դժգոհություններ չկան: Իսկ կաթի մթերման գների օրեցօր բարձրացումը, ամենայն հավանականությամբ, կնպաստի հանրապետության անասնապահության ավելացմանը: Կարևորն այն է, որ արտադրված կաթն իրացվում է ամբողջությամբ, և այն մեծ պահանջարկ է վայելում վերամշակող ընկերությունների կողմից: Իսկ դա նշանակում է, որ կաթ արտադրողի և վերամշակողի միջև համագործակցությունը կայացած է:

Նյութերը՝ Նելլի Սահակյանի

(ՀՀ Արարատի մարզ), «Էլոլա» (ՀՀ Սյունիքի մարզ), «Իգիթ» (ՀՀ Շիրակի մարզ), «Ապարանի պանրի գործարան» (ՀՀ Արագածոտնի մարզ) և մի շարք այլ ընկերություններ: «Դուստր Մելանյա» ՍՊԸ (ՀՀ Լոռու մարզ)՝ ելնելով որակական հատկանիշներից, կաթի 1 լիտրը մթերում է 130-140 դրամով: «Կարծում եմ, պետության կողմից պետք է սահմանվի կաթի մթերման նվազագույն և առավելագույն գին, որպեսզի տատանումները շատ մեծ չլինեն, անակնկալների չհանդիպի թե ֆերմերը և, թե վերամշակողը: Կաթի գնի սահմանված շեմը կկառավարի գնագոյացումը», - ասում է ընկերության տնօրեն Ռուբեն Հարությունյանը:

ԱՐՏԵՐԿՐԻ ՓՈՐՁ

ՈՒՉԲԵԿԱՍԱՆԻ ՀԱՆՐԱՊԵՏՈՒԹՅԱՆ ԳՅՈՒՂԱՏՆԵՍՈՒԹՅՈՒՆԸ

Միշտ հետաքրքիր է այլ երկրի գյուղատնտեսության հետ ծանոթանալ, հետևել սխալների ուղղմանը, որոնք այս բարդ բնագավառում անխուսափելի են, ուրախանալ հաջողություններով և փորձել ընդօրինակել այն, ինչ մեզ համար կարող է լինել ուսանելի՝ բերելով զգալի հաջողություններ:

Վեջին տարիներին Ուզբեկստանի Հանրապետության գյուղատնտեսությունն առաջին հերթին ուղղված է եղել երկրի պարենային անվտանգության ապահովմանը: Հացահատիկի խնդրի արմատական բարելավման հետ միաժամանակ զարկ է տրվել պտուղ-բանջարեղենի արտադրությանը, ինչը ոչ միայն բարձրացրել է կենսաապահովման մակարդակը, այլև զգալի չափով լուծել է բնակչության զբաղվածության խնդիրը:

Իրավիճակի արմատապես փոփոխությունը թերևս սկսվել է 1989 թվականին, երբ որոշում է ընդունվել 400 հազար հեկտար ոռոգելի հողեր հատկացնել գյուղացիական ընտանիքներին՝ որպես տնամերձ: Հետագա քայլերը ներառել են նաև ցանքերի կառուցվածքի էական փոփոխություններ: Ի օգուտ հացահատիկային մշակաբույսերի՝ մոտ 2 անգամ կրճատվել են բամբակի ցանքատարածությունները, որի արդյունքում իրեն անհրաժեշտ հացահատիկի 80 %-ը ներկրող երկիրն այժմ լիիրավ ապահովում է դրանով:

Գյուղատնտեսական քաղաքականության առումով ևս կարևոր քայլեր են կատարվել.

- լիկվիդացվել են պետական և կոլեկտիվ գյուղատնտեսական ձեռնարկությունները, որոնց հաշվին ստեղծվել են աշխատանքի բարձր արտադրողականությամբ ֆերմերական տնտեսություններ՝ զինված ժամանակակից ագրարային տեխնոլոգիաներով և տեխնիկայով,

- տեղի ունեցավ ագրարային սեկտորի առանձին բնագավառների դիվերսիֆիկացում, որի շնորհիվ զարգացավ կարտոֆիլի մշակությունը, մեղվաբուծությունը, թռչնաբուծությունն ու ձկնաբուծությունը, նոր զարկ տրվեց խաղողագործությունը,

- ընդլայնվեց գյուղատնտեսական արտադրության վարկավորման զեղչային համակարգը,

- ստեղծվեց ֆերմերական և գյուղացիական տնտեսությունների տեխնիկական սպասարկման արդյունավետ համակարգ՝ համապատասխան նյութատեխնիկական սպասարկում ապահովող ռեսուրսներով,

- ձևավորվեց գյուղատնտեսական արտադրանքի պահպանման, տեղափոխման և նրա արդյունաբերական վերամշակման լոգիստիկ համակարգ:

Այսօր երկրում գոյություն ունի 67804 ֆերմերական տնտեսություն, որոնց զարգացմանը նպաստում է անընդհատ կատարելագործվող օրենսդրական բազան: Սկսած 1997 թվականից՝ երկրի գյուղատնտեսությունը դրսևորում է կայուն և բարձր զարգացման տեմպեր՝ տարեկան 6-7%: 1991 թվականից մինչ այսօր գյուղատնտեսական արտադրանքի ծավալներն աճել են ավելի, քան 2 անգամ, մսի սպառումը մեկ շնչի հաշվով աճել է այդ ժամանակամիջոցում 1,3 անգամ, կաթի և կաթնամթերքի՝ 1,6 անգամ, կարտոֆիլի՝ 7 անգամ, բանջարեղենի՝ 2 անգամ, մրգի՝ գրեթե 4 անգամ:

Ներկա պահին երկրում արտադրվում է ավելի քան 17 միլիոն տոննա պտուղ-բանջարեղեն, մեկ շնչին բաժին է ընկնում տարեկան 300 կգ բանջարեղեն, 75 կգ կարտոֆիլ և 44 կգ խաղող: Ձեռնարկած միջոցների շնորհիվ անընդհատ աճում է արտահանման ներուժը: Ուզբեկստանն արդեն դարձել է որակյալ և միջազգային շուկայում մրցունակ գյուղմթերքի խոշոր արտահանող: Մեծ ուշադրություն է դարձվում տարվա ընթացքում պահեստավորման և վերամշակման հարցերին: Վերջին 10 տարում

պտուղ-բանջարեղենի և խաղողի վերամշակման ծավալներն աճել են 3,5 անգամ, այդ թվում՝ պտուղ-բանջարեղենի պահածոների արտադրությունն աճել է ավելի քան 2,5 անգամ, չրերի՝ 4 անգամ, բնական հյութերի՝ 7 անգամ (վերամշակվում է պտուղ-բանջարեղենի և խաղողի ընդհանուր արտադրանքի ավելի քան 16 %-ը): Այժմ արտահանվում է նշված արտադրանքի 180 անվանում, որի տեսակարար կշիռն ընդհանուր

վարման նպատակով, 2003 թվականից գործի են դրվել 10 ջրավազային կառավարման համակարգեր, 1502 ջրօգտագործողների ստացիաներում ընդգրկված են մոտ 70 հազար անոթ: Բյուջեի միջոցներից ամեն տարի նորոգվում է 5,0 հազար կիլոմետր ջրանցք, ջրօգտագործողների հաշվին՝ 100 հազար կիլոմետր ոռոգման ցանց, 10 հազար միավոր գառնազան հիդրոկառույցներ: Վերջին տարիներին երկրում կա-

հեկտարով: Արդեն գործում է համանման հաջորդ ծրագիրը՝ 2013-2017 թթ համար, որի իրականացմանը կտրամադրվի շուրջ 1,2 մլրդ ԱՄՆ դոլար: այս ծրագրի շրջանակներում տարվող աշխատանքները բերել են արդեն 1,7 մլն հա հողերի որակի բարելավման:

Հատուկ ուշադրություն է դարձվում ջրի ծախսը խնայող տեխնոլոգիաներին: Մի քանի տարի առաջ մեկնարկած 16,3 հազար հա կաթիլային ոռոգման տակ դնելու ծրագրի ավարտից հետո, ամեն տարի ավելանում է ևս 5,0 հազար հա: Ծկուն խողովակների և թաղանթային ոռոգման միջոցով ջրարբիացվում է ևս 18,7 հազար հա: 2013-2017 թթ ծրագրով նախատեսված երկարատև զեխված վարկերի շնորհիվ գյուղացիական տնտեսությունները կաթիլային ոռոգում են անցկացրել 25 հազար հեկտարի վրա՝ 5 տարով ազատվելով բոլոր տեսակի հարկերի վճարումից:

Այս և այլ տեսակի ծրագրերում մեծ են արտերկրի ներդրումները: դրենաժային ծրագրերին մասնակցել է Համաշխարհային Բանկը՝ 74,5 մլն ԱՄՆ դոլար ներդրումով, պոմպակայանների, ջրանցքների, կառավարման և այլ բաղադրիչներում մասնակցել են Ֆրանսիան, Գերմանիան, Չինաստանը, արաբական մի շարք երկրներ, Իսլամական Բանկը, ընդհանուր առմամբ, 144,2 մլն ԱՄՆ դոլար ներդրում է կատարել, միջակայս Բանկը՝ 284,6 միլիոնի:

Կատարված աշխատանքների շնորհիվ հաջողվել է Էապես նվազեցնել ջրի ծախսը՝ 1990 թվականի համեմատ նվազեցնելով այն տարեկան 62 միլիարդ խորանարդ մետրից մինչև 51 միլիարդի: Հեկտարի ծախսը կրճատվել է 18 հազար խորանարդ մետրից մինչև 10,5 հազար, այսինքն 42%-ով: Այս բոլորը վկայում է գյուղատնտեսության բնագավառում երկրի շոշափելի հաջողությունների մասին:

Վ 3



ՀՅՄՍԵՐՍԵՅԻՆ

ՎՆԱՄԻ ՉԱՓԵՐՆ ՈՒՍՈՒՄՆԱՄԻՐԵԼՈՒ ՆՊԱՏԱԿՈՎ

Օգոստոսի 22-ի երեկոյան մութ մեկ ժամ տեղացած կարկուտը, քամու ուղեկցությամբ, հողին է հավասարեցրել գյուղացիների բոլոր ակնկալիքները:

Կարկուտից ամենաշատը տուժել են ձմերուկի ցանքատարածությունները: Արմավիրի մարզի Շենիկ համայնքի բնակիչների խոսքով՝ մի քանի օրից սկսելու էին բերքահավաքը, սակայն կարկուտը 100 տոկոսով վնասել է բերքը: Կարկուտից մասամբ փրկվել են լոլիկի ցանքատարածությունները: Գյուղացիների կարծիքով,



10-ից 20 տոկոս կարելի է գործարանային բերք հավաքել: Շենիկում 1000 հեկտար մշակովի հողատարածք կա: Գյուղապետ Կորյուն Մինասյանի խոսքով, կարկուտից

նիկում ծանոթացել է իրավիճակին, հանձնարարել կազմել հանձնաժողով՝ վնասի չափերը ճշտելու համար: Ըստ մարզպետ

ամբողջովին վնասվել է մոտ 700 հեկտարը, վնասվել են ոչ միայն ցանքատարածություններն ու այգիները, այլև՝ բնակելի տներ, տանիքներ:

Շենիկում տեղակայված է 6 հակակարկուտային կայան, որոնք գործում են, սակայն համայնքի ղեկավարի կարծիքով, գյուղում ևս 6 կայան է անհրաժեշտ, որպեսզի մեղմվի կարկուտի վտանգը:

Արմավիրի մարզպետ Աշոտ Ղահրամանյանը, Շենիկում ծանոթացել է իրավիճակին, հանձնարարել կազմել հանձնաժողով՝ վնասի չափերը ճշտելու համար: Ըստ մարզպետ

տի՝ ամբողջությամբ վնասվել են ձմերուկի ցանքատարածությունները, իսկ խաղողի և պտղատու այգիների դեպքում վնասի չափը կպարզվի ուսումնասիրությունից հետո: Գյուղացիական տնտեսությունների մոտ 80 տոկոսը վարկառուներ են, ովքեր գյուղատնտեսական աշխատանքների կազմակերպման նպատակով, մինչև 25 մլն դրամ վարկ են ստացել: Ինչպիսին է լինելու վարկերի սպասարկման ճակատագիրը, գյուղացիները չգիտեն, նրանք ակնկալում են կառավարության աջակցությունը՝ վարկերը երկարաձգելու կամ սառեցնելու ուղղությամբ: Կարկուտից մասամբ տուժել են նաև Բաղրամյանի տարածաշրջանի Բազարան, Կողբավան, Բաղրամյան և Դալարիկ համայնքները:

ՄԱՍՆԱԳԵՏԻ ԽՈՐՀՈՒՐԴԸ

ԿԱՂԱՄԲԻ ԱՌՎԿԵԼ ՏԱՐԱԾՎԱԾ ՎՆԱՍԱՏՈՒՆԵՐԸ, ԶԻՎԱՆԴՈՒԹՅՈՒՆՆԵՐԸ ԵՎ ՊԱՅՔԱՐԻ ՄԻՋՈՑԱՌՈՒՄՆԵՐԸ ԴՐԱՆՑ ԴԵՄ

Սկիզբը՝ Նախորդ համարում

Հիվանդությունների նկարագիրը

Սև ոտիկը սևկային հիվանդություն է, որն առաջացնում են մի քանի սևկեր: Տարածված է ամենուրեք, առավել հաճախ հանդիպում է սածիլանոցներում: Վնասում է կաղամբի արմատավզիկը, որը գորշանում է: Ցողունը բարակում է և կոտրվում, որի արդյունքում բույսը մահանում է:

Երբ տարիների ընթացքում սածիլանոցի հողը չի փոխվում՝ հողում հարուցիչների կուտակման համար ստեղծվում

ակտիվությամբ: Ազդող հիմքը սպոր-բյուրեղային կոմպլեքսն է: Անվտանգ է մարդկանց, տաքարյուն կենդանիների և օգտակար էնտոմոֆաունայի համար: Սպասման ժամկետը վերջին մշակումից մինչև բերքահավաքի սկսվելը 5 օր է:

Բիտոքսիբացիլին (ԲՏԲ): Աղիքային ազդեցության միջատասպան մանրէաբանական պատրաստուկ է, որն արտադրվում է չոր փոշու ձևով: Փոշու յուրաքանչյուր գրամը պարունակում է ոչ պակաս 60 մլրդ

վում է 20% ջրային լուծվող խտության (ջլխ) տեսքով:

Սպասման ժամկետը վերջին մշակումից մինչև բերքահավաքի սկիզբը 20 օր է:

Ծծումբ կոլոիդ: Պատրաստուկը թողարկվում է 800 գ/կգ մածուկի (մ) կամ թրջվող փոշու (թփ) տեսքով:

Պայքարի միջոցառումները

Պայքարի գործում առաջնակարգ նշանակություն ունի մուլախոտերի համակարգ-



ված ոչնչացումը, քանի որ մուլախոտերի վրա սևվում են ինչպես թիթեռները (ճերմակաթիթեռ՝ նեկտարով), այնպես էլ վաղ գարնան սերնդի թրթուրները (կաղամբի ցեց և վիճներ՝ տերևներով):

Խորը վարը նպաստում է վնասատուների ձմեռող հարսնյակների (կաղամբի ցեց, ճերմակաթիթեռ, բվիկ) և ձվերի (վիճներ) մի զգալի մասի ոչնչացմանը:

Կաղամբի վիճի քանակության նվազեցմանը նպաստում է կաղամբի ցանքատարածության շրջակայ-

են նպաստավոր պայմաններ: Զիվանդության դրսևորմանը նպաստում է նաև հողի բարձր թթվայնությունը:

Օրգանական սննդանյութերով (հումուս և այլն) հարուստ հողերում հիվանդությունը թույլ է արտահայտվում: Վարակն արտահայտվում է արմատային համակարգի վրա, առաջացնելով տարբեր չափերի ուռուցքներ, որոնք ժամանակի ընթացքում փտում և քայքայվում են: Սածիլ հասակում բույսերը, վարակվելիս, մահանում են:

Կիլա հիվանդությամբ վարակվում է ինչպես գլուխ կապող, այնպես էլ ծաղկակաղամբի և սածիլները և հասակավոր բույսերը: Զիվանդությունն առավելապես դրսևորվում է թթվային, խոնավ և կավային հողերում:

Միջատասպան պատրաստուկների նկարագիրը

Լեպիդոցիդ: Աղիքային ազդեցության միջատասպան մանրէաբանական պատրաստուկ է, որն արտադրվում է չոր փոշու տեսքով: Փոշու յուրաքանչյուր գրամը պարունակում է ոչ պակաս 100 մլրդ կենսունակ սպոր և օժտված է 3000 ԱՄ/մգ կենսաբանական

կենսունակ սպոր և օժտված է 1500 ԱՄ/մգ կենսաբանական ակտիվությամբ: Ազդող հիմքը սպոր-բյուրեղային կոմպլեքսն է և բետա-էկզոտոքսինը: Պատրաստուկի 1 գրամ փոշում պարունակվում է 0,6-0,8% էկզոտոքսին: Անվտանգ է մարդկանց, տաքարյուն կենդանիների և օգտակար էնտոմոֆաունայի համար: Սպասման ժամկետը վերջին մշակումից մինչև բերքահավաքի սկսվելը 5 օր է:

Կալիպսո: Ներբուսային և կոնտակտ ազդեցության միջատասպան է: Ազդող հիմքը տիակլոպրիդն է: Թույլ թունավոր է մեղուների և անվտանգ շրջակա միջավայրի համար: Պատրաստուկը թողարկվում է 48% խտացված կախույթի (խկ) տեսքով:

Սպասման ժամկետը վերջին մշակումից մինչև բերքահավաքի սկսվելը 20 օր է:

Կոնֆիդոր: Ներբուսային և կոնտակտ ազդեցության միջատասպան է: Ազդող հիմքը իմիդակլոպրիդն է:

Թույլ թունավոր է տաքարյուն կենդանիների և անվտանգ շրջակա միջավայրի համար: Պատրաստուկը թողարկ-

վում է 20% ջրային լուծվող խտության (ջլխ) տեսքով:

Սպասման ժամկետը վերջին մշակումից մինչև բերքահավաքի սկիզբը 20 օր է:

Սև ոտիկ հիվանդությունը բացառելու համար անհրաժեշտ է ջերմոցներում կոլոիդ ծծումբը (30 կգ/հա) հող մտցնել ցանքից կամ սածիլումից 3 օր առաջ, իսկ կիլա հիվանդությունը կանխելու համար անհրաժեշտ է սածիլման ժամանակ հողը ջրել կոլոիդ ծծմբի 0,4%-ոց ջրային կախույթով:

Մասիս Սարգսյան
կենսաբանական գիտությունների դոկտոր

ԿՐԹԱԿԱՆ

ՆՈՐ ԶԱՄԱԼՐՈՒՄ

ՀԱԱՀ առաջին մասնաշենքի բակում գիտելիքի օրն առաջին կուրս ընդունված ուսանողների համար հանդիսավոր էր: ՀԱԱՀ ուսումնական աշխատանքների գծով պրոռեկտոր Յու.



Մարմարյանի ողջույնի խոսքից հետո, առաջին կուրսեցիներին համալսարանի ուսանող դառնալու, ինչպես նաև գիտության և կրթության միջազգային օրվա կապակցությամբ շնորհավորել է համալսարանի ռեկտոր, պրոֆեսոր Արշալույս Թարվերդյանը: Նա նշել է այն լայն հնարավորությունների մասին, որ բացվում են համալսարան ընդունվածների առջև. գերազանց կահավորված լսարաններ, ուսումնական, փորձնական տնտեսություններ և այլն: «Ձեզ, սիրելի առաջին կուրսեցիներ, մնում է միայն սովորել՝ ձեռք բերել գիտելիքների առավելագույնը, որը ձեզ թույլ կտա հետագա ձեր ճանապարհը հարթել թե՛ գիտության ասպարեզում, թե՛ արտադրությունում: Համալսարանի կոլեկտիվը պատրաստակամ է անելու ամեն ինչ, որպեսզի դուք ձեզ զգաք, ինչպես հարազատ օջախում»:

Առաջին կուրսեցիներին շնորհավորել և հաջողություններ են մաղթել ՀՀ քաղաքաշինության նախագահ, ՀԱԱՀ շրջանավարտների միության նախագահ Մանվել Բաղայանը, համալսարանի երկարամյա ու վաստակաշատ դասախոս Գ.Դավթյանը, «Ազդեցիկներ և շուկայաբանության» մասնագիտության առաջին կուրս ընդունված Դավիթ Մարկոսյանը:

Բարի երթ ձեզ, սիրելի առաջին կուրսեցիներ:

www.anau.am

ԼՐԱՏՎՈՒԹՅՈՒՆ

Տավուշի մարզն ունի 7373 հա հացահատիկի ցանքատարածություններ, որից՝ 5684 հա աշնանացան ցորեն, 1305,5 հա աշնանացան գարի, 369 հա գարնանացան գարի և 15 հա հաճար: Տավուշի մարզպետարանի գյուղատնտեսության և բնապահպանության վարչության պետ Վաղարշակ Սուրբյանի տեղեկացմամբ, 7373 հա ցանքատարածություններից, այսօրվա դրությամբ հնձվել է շուրջ 7155 հեկտարը: Նախնական տվյալներով ստացում է 25-30 գ հատիկի միջին բերք: Ընդհանուր առմամբ տարին բարենպաստ է գյուղատնտեսական աշխատանքների համար և նախորդ տարվա համեմատ, այս տարի ակնկալվում է բերքի ավելացում: Արդեն արտադրվել է 5000 տ կարտոֆիլ, 36000 տ խոտ, 135 տ ծղոտ, 900 տ բանջարեղեն, 80 տ բոստան, 3700 տ պտուղ, որից 700 տ դեղձ:

Թեև ՓՄՁԱԿ-ի ծրագրով, լիզինգով, «Նիվա» մակնիշի երկու հացահատիկահավաք կոմբայն է ձեռք բերվել, սակայն դեռևս կոմբայնների ձեռքբերման և մեքենատրակտորային հավաքակալային թարմացման խնդիր կա մարզում:

Սարիգյուղի գյուղատնտեսական նշանակության հողատեսքերը թե՛ խորհրդային շրջանում, թե՛ նրանից առաջ անջրդի պայմաններում բարձր բերքատվություն են ապահովել ագրոկանոններով առաջնորդվելու դեպքում: Լավագույնն էր նաև ընթացիկ տարում: Մարզային իշխանություններից տրամադրված ցորենը ճիշտ ժամկետում՝ մինչև հոկտեմբերի 15-ը, պահպանելով ագրոկանոնները՝ վար, ցանքս, սնուցում, սրսկում մուլախոտերի դեմ հերբիցիդներով, հիմք հանդիսացավ բարձր բերքատվության համար: Այդ կազմակերպչական գործում ակտիվ դերակատարություն ունեցավ գյուղապետարանը՝ համայնքի ղեկավարի մասնակցությամբ՝ նաև համագործակցելով ԳԱՄԿ-ի խորհրդատուի հետ: Առանձին անհատ հողագործ ֆերմերներ՝ Վաղարշ Բայրամյանը, Միքայել և Արամ Եգանյանները, Սերոժ Էլլարյանն ապահովեցին 37-40 գ բերքատվություն, որոնք օգտվում էին ԳԱՄԿ-ի խորհրդատվական ծառայություններից:

Տավուշի ԳԱՄԿ

ՀԵՏԱԲՈՒՔԻՐ Է...

ԼՈՌԱՄԻՐԳ

Լոռամիրգ բույս հանդիպում է Հյուսիսային Ամերիկայի և Եվրասիայի անտառների, ճահիճների, լճերի, տունդրայի տորֆամանածածկ (սֆանգային) գրունտի վրա: Այն գոյատևում է իր առանցքային արմատի վրա ապրող սնկից ստացվող և մթնոլորտից կլանվող հանքանյութերի հաշվին:

Հապալասագիների կամ հավարգագիների ընտանիքի պատկանող բույս է: Ունի բարակ, մամուռի վրա հազիվ նկատելի 15-75 սմ հասնող ընձյուղներ: Տերևները երկարավուն օվալ են, մուգ կանաչ, փայ-



լուն, տակից սպիտակ մոխրագույն՝ ծածկված մուգ խոնավապաշտպան շերտով: Ծաղիկները քառաթերթ (երբեմն 5-աթերթ) են, թերթիկները թեթևած են դեպի ցողունը, գրեթե միախուսված առեքները ցցված են դեպի ներքև: Պտուղը վառ կարմիր գուն է, որը հասունանում է աշնանը, քաղցրահամ առաջին սառնամանիքների հետ և կարող է պահպանվել ամբողջ ձմեռ, որի ընթացքում շաքարների քանակը 4 տոկոսից հասնում է 6-ի:

Փոշոտվում է միջատների միջոցով, որոնք վերցնում են ծաղկափոշին, սակայն բույսի հիմնական արտահանող երկիր ԱՄՆ-ում ստացվում է շատ թանկարժեք և սակավ հանդիպող «լոռամիրգի մեղր», որն ունի արտահայտիչ բուրմունք, յուրահատուկ գույն և այնքան քաղցր չէ, ինչպես մյուս ծաղիկների մեղրը: Այն օգտակար է դիսբակտերիոզի, ինֆեկցիոն հիվանդությունների դեպքում:

Վերջին տարիներին պարզվել է, որ լոռամիրգի (ինչպես նաև՝ ազնվամորու, գետնամորու, փշոտ հաղարջենու) մեջ պարունակվող էլլագագթոն, որը հակազդում է ուռուցների աճին, չեզոքացնում կոնցենտրացիոն սպորները և պաշտպանում բջիջների ժառանգական նյութը (ՂՆԿ), բավական հեշտ է յուրացվում օրգանիզմի կողմից: Հատկապես կարևոր է, որ լոռամիրգի հատապտուղը պարունակում է հակաօքսիդանտ ֆլավոններ: Հայտնի է նաև, որ C վիտամինի և ռուտինի (վիտամին P), բարենպաստ հարաբերակցության դեպքում կանխվում է սիրտ-անոթային համակարգի հիվանդությունների զարգացումը, կարգավորվում արյան ճնշումը: Ուրտոլաթթուն նպաստում է սրտասնույց անոթների լայնացմանը:

Պտուղները պարունակում է օրգանական թթուներ, շաքար, պեկտին, դաբաղող նյութեր, վիտամիններ C, B, K, PP, յոդ, կալիումի աղեր: Այս պտուղը մեծ նշանակություն ունի

օրգանիզմում վիտամինների պակասը լրացնելիս: Միաժամանակ լոռամիրգը բարձրացնում է ստամոքսի և ենթաստամոքսային գեղձի հյուսվածատարությունը, կարգավորում ախորժակը: Կիրառվում է ցածր թթվայնությամբ ուղեկցվող գաստրիտների, ենթաստամոքսային գեղձի բորբոքումների ժամանակ: Ստամոքսի խանգարումների դեպքում խորհուրդ է տրվում 2 ճաշի գրալ լոռամիրգի վրա լցնել 2 բաժակ եռացրած ջուր և եռացնել 10 րոպե՝ թույլ կրակի վրա: Հետո սառեցնել, քամել ու խմել օրը 4 անգամ՝ կես բաժակից: Միակ հակացուցումը ստամոքսի բարձր թթվայնությունն է: Նման խնդիր ունեցողներին խորհուրդ է տրվում բուժվել այլ մեթոդներով, հակառակ դեպքում՝ գաստրիտի խորացումը կարող է նպաստել ստամոքսի խոցի առաջացմանը: Լոռամիրգի հյութը թույլ է տալիս օրգանիզմից դուրս հանել տոքսինները: Բարելավում է երիկամների և լեղուղիների աշխատանքը: Թարմ լոռամիրգը կամ նրա հյութը կարգավորում է նաև արյան մեջ խոլեստերինի մակարդակը, իսկ հատապտուղի հաճախակի օգտագործումը նպաստում է արյան անոթների ամրացմանն ու էլաստիկությանը:

Հատապտուղն օգտագործում են ինչպես թարմ կամ սառեցված վիճակում, այնպես էլ՝ թթու կամ չորացրած: Պատրաստում են հյութեր, կոմպոտներ, ժելե, ջեմ, դոնդոլ, լոռամիրգի կոկտեյլներ և եփում կամ ավելացնում են աղցաններին, կարկանդակներին և այլ ուտեստների մեջ: Լոռամիրգը օգտակար է նրանց, ովքեր սրտի հետ կապված խնդիրներ ունեն. այն արյան մեջ իջեցնում է այնքան վտանգավոր խոլեստերինի քանակը և պայքարում հիպերտոնիայի դեմ: Լոռամիրգի հյութը մեղրի հետ խառնած վիճակում օգտագործվում է հագի ժամանակ, իսկ ովքեր հաճախ գանգատվում են գլխացավերից, խորհուրդ է տրվում 2 օրը 1 անգամ ընդունել հավասար քանակությամբ իրար խառնած մեղր ու մսաղացված անցկացրած լոռամիրգ: Լոռամիրգի պատրաստուկները՝ օշորակը, մուրաբան, մարմելադը, հյութը, մորսը, կիսելը, ժելե, արժեքավոր են՝ որպես դիետիկ սնունդ՝ C ալիտամինոզի և այլ հիվանդությունների դեպքում:

Լոռամիրգի սովորական օգտագործում են թթուների մեջ, մսի և ձկան պահածոյացման համար, որպես համեմունք: Արտադրական պայմաններում ստացվում է լոռամիրգի խտացրած մզվածք, որի մեջ 1-2 տարի պահպանվում են բոլոր օգտակար նյութերը՝ առանց որևէ կոնսերվանտ օգտագործելու:

Միզամուղ և հակամակրե հատկությունների շնորհիվ կիրառվում է երիկամների, միզապարկի և միզուղիների հիվանդությունների բուժման համար: Ցավոք, այս հրաշալի պտուղը սակավ է հանդիպում Հայաստանում թարմ վիճակում, սակայն, ինչպես գիտենք, նույնիսկ պահածոյացված վիճակում այն օգտակար է, կարևոր է՝ ենթարկված չլինի ջերմային մշակման:

ՎԻՏԱՄԻՆԻ ԱՆՍՊԱՌ ԱՂԲՅՈՒՐ

11-րդ դարում պղպեղն ունեցել է արծաթին հավասար արժեք և առևտրի մեջ շրջանառություն է կապարել որպես դրամ: Այժմ կան պղպեղի բազմաթիվ տեսակներ, որոնցից քաղցրն ունի իր հապուկ տեղը, քանի որ այն C վիտամինի մի անսպառ պահեստ է: Կարմիր պղպեղն իր մեջ ավելի չափ C վիտամին է պարունակում, քան այնպիսի մրգերը, ինչպիսիք են կիտրոնն ու նարինջը: Այդ առումով այն զիջում է միայն մասուրին և սև հաղարջին: Պղպեղի տարբեր տեսակների մեջ C վիտամինի քանակը տարբեր է լինում:

Պղպեղը բազմամյա, ոչ խոշոր թուփ է՝ կարմիր, նարնջագույն, դեղին գույներով



և արտաքին տեսքով միմյանցից տարբեր: Այն պատկանում է մորմազգիների ընտանիքին (պտուղները խոշոր եւ գունավոր են): Պղպեղի մեջ որքան շատ է կապասցինի պարունակությունը, այնքան կծու է պղպեղը: Կապասցինը հակաբորբոքային նյութ է, որը կանխում է քաղցկեղածին բջիջների առաջացումը, պայքարում է ստամոքսի և տասներկուամատնյա աղիի խոց առաջացնող մանրէների դեմ, օգտակար է բրոնխիտի դեպքում: Սակայն կապասցինի չարաշահումը նաև կարող է գրգռել և աղետամոքսային տրակտի խանգարումներ առաջացնել:

Կարմիր և դեղին պղպեղները, որոնց նաև անվանում են բուլղարական (չնայած որևէ կապ չկա այդ երկրի հետ), բավական տարածված են և վիտամիններով շատ հարուստ՝ B₁, B₂, PP և այլն: Հատկապես կանաչ պղպեղի մեջ վիտամին C-ի պարունակությունը ամենաշատն է: Գերադասելի է այն ուտել հում վիճակում: Դեղին, կարմիր,

նարնջագույն պղպեղները հարուստ են բետոտա-կարոտինով, որը նախապահպանում է սրտային հիվանդություններից և քաղցկեղի որոշ տեսակներից: Բացի այդ, կարմիր պղպեղը մյուսների համեմատ ավելի քաղցր է և զգալի քանակությամբ պրոպիտամին A է պարունակում:

Սիրտ-անոթային հիվանդությունների դեպքում քաղցր պղպեղն անհրաժեշտ է պարտադիր ընդգրկել ամենօրյա սննդակարգում: Հենց այս բանջարեղենն է, որ պարունակում է այնպիսի նյութեր, որոնք ոչ միայն ամրացնում են մազանոթների պատերը, այլև բարձրացնում արյունատար անոթների առաձգականությունն ու ճկունությունը: Քաղցր պղպեղը հատկապես օգտակար է կարևոր է արյան շրջանառության խախտման դեպքում, հիպերտոնիայի, աթերոսկլերոզի նախնական փուլում, բացի այդ, օրգանիզմից հեռացնում է խարամներն ու թունավոր նյութերը:

Քաղցր պղպեղը հարուստ է վիտամիններով՝ ռուտինով (P), որը հեղուկացնում է արյունը և ամրացնում արյունատար անոթների պատերը. այդ իսկ պատճառով շատ օգտակար է երակի վարիկոզ լայնացման դեպքում: Այն անփոխարինելի բուժիչ միջոց է համարվում սակավարյունության, անքնության, հոգնածության, շաքարային դիաբետի, մաշկային և տեսողական խնդիրների դեպքում: Դանդաղեցնում է ծերացման ընթացքը: Օգտակար է թե՛ մեծերին, և թե՛ փոքրերին: Պղպեղը համեղ և օգտակար է բոլոր ձևերով՝ հում, տապակած, խորոված, շոգեխաշած:

Հատկապես կծու պղպեղը հակացուցումներ ունի. այն մեծ քանակությամբ խորհուրդ չի տրվում գաստրիտի, բարձր թթվայնության, քրոնիկ փորկապույթային, ենթաստամոքսային գեղձի բորբոքման (պանկրեատիտ), ստամոքսի խոցի և 12-մատնյա աղիի բորբոքման սրացման դեպքում և անհատական անընկալունակության ժամանակ:

Թարգմանությունը՝ Լիլիթ Գասպարյանի

ՇԱՐՈՒՆԱՎՈՒՄԷ
ԱԳՐԱ Լրատու
 թերթի

2015 թ. ԲԵՏԵՆՈՐԳԱԳՐԱԹՅՈՒՆԸ

«ԱԳՐՈՂԻՏՈՒԹՅՈՒՆ» ամսագրի

1 տարվա գինը՝ 3960 դրամ	6 ամսվանը՝ 1980 դրամ	1 համարինը՝ 120 դրամ
-------------------------	----------------------	----------------------

1 տարվա գինը՝ 8100 դրամ	6 ամսվանը՝ 4050 դրամ	1 համարինը՝ 1350 դրամ
-------------------------	----------------------	-----------------------

Բաժանորդագրությունը իրականացնում են՝
 Գյուղատնտեսության աջակցության հանրապետական և մարզային կենտրոնները,
 «Հայփոստ», «Հայամուլ», «Պրեն-Արարատ» կազմակերպությունները

ԱԳՐԱ Լրատու
AGRONEWS

Հասցեն՝ Երևան, Մամիկոնյանց 39ա, հեռ.՝ 23-21-02, ֆաքս՝ 23-03-80
 E-mail: asrc@cln.am կայք http://www.asrc.am

ՀԻՄՆԱԳԻՐ ՀՐԱՏԱՐԱՎԻՉ
 ՀՀ Գյուղատնտեսության (նախարարություն) «Գյուղատնտեսության աջակցության հանրապետական կենտրոն» ՓԲԸ

Տնօրեն **Ա. ՎԱՀԱՆՅԱՆ**
 Գլխավոր խմբագիր և համարի պատասխանատու՝ **Լ. ՇԱԽՆԱՉԱՐՅԱՆ**

Տպաքանակ՝ 1100
 2 տպագրական մամուլ
 գրանցման թիվ՝ 01 ՄՕ00226
 դասիչ՝ 69105
 պատվեր թիվ՝ 111
 ստորագրված է տպագրության 24.08.2015 թ.
 տպագրվում է Գ-ԱՂԵ տպարանում,
 Երևան, Մամիկոնյանց 39ա